

სახელმწიფო შესყიდვის შესახებ
ხელშეკრულება №66

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულებას,
რომელიც დადებულია გამარტივებული შესყიდვის საშუალებით

ქ. ბათუმი

22 აგვისტო 2018 წ.

ერთის მხრივ, ა(ა)იპ „ქ. ბათუმის სოციალური სერვისების სააგენტო“ (შემდგომში „შემსყიდველი“) წარმოდგენილი მისი დირექტორის ასლან გელაძის სახით და მეორეს მხრივ, შპს „ლაშვარდი“ (შემდგომში „მიწოდებელი“), წარმოდგენილი მისი დირექტორის ფრიდონ მგელაძის სახით, სახელმწიფო შესყიდვების შესახებ კანონის შესაბამისად, გამარტივებული შესყიდვის საშუალებით დებენ წინამდებარე სახელმწიფო შესყიდვების შესახებ ხელშეკრულებას შემდეგზე:

1. ხელშეკრულების საგანი

1.1. ხელშეკრულების საგანს წარმოადგენს ა(ა)იპ ქ. ბათუმის სოციალური სერვისების სააგენტოს დროებითი ღამის თავშესაფარში, (მისამართი მ. ვარშანიძის 74ა) სახანძრო სამაშველო მოწყობილობებისა და უსაფრთხოების საშუალებების, დეტექტორებისა და ანალიზატორების შესყიდვა, ხელშეკრულებით დადგენილი პირობებისა და წინამდებარე ხელშეკრულებაზე თანდართული დანართი N1 -ის შესაბამისად, რომელიც წარმოადგენს ხელშეკრულების განუყოფელ ნაწილს.

1.2. კლასიფიკატორის კოდები:

CPV 35100000, 35110000 - სახანძრო სამაშველო მოწყობილობები და უსაფრთხოების საშუალებები.

CPV 38400000, 38430000 - დეტექტორები და ანალიზატორები.

2. ხელშეკრულების ღირებულება

2.1. ხელშეკრულების ჯამური ღირებულება შეადგენს 2440 (ორი ათას ოთხას ორმოცი) ლარს. მათ შორის:

CPV 35100000, 35110000 - 620 (ექვსას ოცი) ლარი.

CPV 38400000, 38430000 - 1820 (ათას ორას ოცი)

2.2. ხელშეკრულების ჯამური ღირებულება მოიცავს ხელშეკრულებით გათვალისწინებული მომსახურების/საქონლის მიწოდებასთან, შეკეთებასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებს.

3. ანგარიშსწორების ფორმა და ვადები

3.1. ანგარიშსწორების ფორმა იქნება: უნაღდო (გადარიცხვა) ეროვნულ ვალუტაში.

3.2. მიმწოდებელთან ანგარიშსწორება იწარმოებს (დროებითი ღამის თავშესაფრის ქვეპროგრამა) ფაქტიურად მოწოდებული მომსახურების/საქონლის შესაბამისად, მიღება-ჩაბარების აქტის საფუძველზე, აქტის გაფორმებისა და მიმწოდებლის მიერ სასაქონლო ზედნადების, საგადასახადო ანგარიშფაქტურის წარმოდგენიდან 10 (ათი) სამუშაო დღის განმავლობაში.

4. შესყიდვის ობიექტის მიღება-ჩაბარების წესი

4.1. „შემსყიდველი“ შესყიდვის ობიექტის მიღებას მოახდენს შემსყიდველის მოთხოვნის, ხელშეკრულებით დადგენილი პირობების შესაბამისად.

4.2. შესყიდვის ობიექტის (მისი ნაწილის) მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

4.3 მიმწოდებელი ვალდებულია საკუთარი სახსრებით უზრუნველყოს შესყიდული საქონლის მონტაჟის ხარჯების ანაზღაურება.

4.4. შემსყიდველის მხრიდან, მიწოდებული შესყიდვის ობიექტის მიღება-ჩაბარებას განახორციელებს ა(ა)იპ „ქ. ბათუმის სოციალური სერვისების სააგენტო“-ს ტექნიკური მენეჯერი - გიგა ბეჟანიძე.

5. შესყიდვის ობიექტის მიწოდების ადგილი და ვადა

5.1. მომსახურების გაწევის ადგილად განისაზღვრება შემსყიდველის შემდეგი მისამართი: მამია ვარშანიძის 74ა.

5.2. შესყიდვის ობიექტის მიწოდება შემსყიდველისათვის უნდა განხორციელდეს ხელშეკრულების გაფორმებიდან არაუგვიანეს 10 (ათი) სამუშაო დღის ვადაში.

6. მხარეთა უფლება-მოვალეობანი

6.1. შემსყიდველი უფლებამოსილია:

ა) ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება;

ბ) შესყიდვის ობიექტის მიწოდების დასრულებამდე გამოითხოვოს მიმწოდებლისაგან მისთვის საჭირო დოკუმენტი.

6.2. შემსყიდველი ვალდებულია უზრუნველყოს მიმწოდებლის მიერ მიწოდებული შესყიდვის ობიექტის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით;

6.3. მიმწოდებელი უფლებამოსილია მოთხოვოს შემსყიდველს მიწოდებული საქონლის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით;

6.4. მიმწოდებელი ვალდებულია:

ა) მიაწოდოს საქონელი/გაწიოს მომსახურება სათანადო ხარისხით და სრული მოცულობით, ამ სფეროში მოქმედი სტანდარტების, სახანძრო უსაფრთხოების ნორმების შესაბამისად.

7. ხელშეკრულების შესრულების კონტროლი

7.1 ხელშეკრულებით ნაკისრი ვალდებულებების შესრულების ინსპექტირებას განახორციელებს ა(ა)იპ „ქ. ბათუმის სოციალური სერვისების სააგენტო“-ს ტექნიკური მენეჯერი - გიგა ბეჟანიძე.

7.2. ინსპექტირება გულისხმობს ხელშეკრულების პირობების შესრულების, აგრეთვე მიწოდებული საქონლის ხარისხის კონტროლს.

7.3. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

8. პირგასამტეხლო ხელშეკრულების პირობების შეუსრულებლობისათვის

8.1. ფორს-მაჟორული პირობების გარდა, მიმწოდებლის მიერ ხელშეკრულების პირობების შეუსრულებლობისა (მათ შორის საგარანტიო პერიოდში) ან/და დაგვიანებით შესრულების შემთხვევაში გამოყენებული იქნება საჯარიმო სანქციები, კერძოდ, ხელშეკრულებით გათვალისწინებული პირობების შეუსრულებლობის ან/და დაგვიანებით შესრულებისათვის შემთხვევაში მიმწოდებელს დაერიცხება პირგასამტეხლო ყოველ ვადაგადაცილებულ დღეზე ხელშეკრულების ჯამური ღირებულების 0.5 %-ის ოდენობით.

8.2. საჯარიმო სანქციების გადახდა არ ათავისუფლებს მიმწოდებელს ხელშეკრულების ძირითადი ვალდებულებების შესრულებისაგან.

8.3. ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულებისათვის ხელშეკრულების შეწყვეტის შემთხვევაში მიმწოდებელს ეკისრება პირგასამტეხლო ხელშეკრულების საერთო ღირებულების 5 %-ის ოდენობით.

9. გარანტია

- 9.1. შესყიდვის ობიექტის საგარანტიო პერიოდი შეადგენს 1 (ერთი) წელს, საგარანტიო ვადის ათვლა დაიწყება მიღება-ჩაბარების აქტის გაფორმების-შედგენის თარიღიდან.
- 9.2. შემსყიდველის მიერ ადგილზე შესაბამისი ნორმების ტემპერატურული რეჟიმის დაცვის შემთხვევაში მიმწოდებელი 1 წლის განმავლობაში პასუხისმგებელია ცეცხლმაქრებისა და ბოლის დეტექტორების ტექნიკურად გამართულ მდომარეობაზე. გარანტიის მოქმედების ვადაში მიმწოდებელი ვალდებულია საკუთარი ხარჯებით უზრუნველყოს ყველა გამოვლენილი ნაკლის აღმოფხვრა (ცეცხლმაქრის გადამუხტვა, ან/და შეკეთება) ან შეცვლა ახლით (იმ შემთხვევაში როდესაც შეკეთებას არ ექვემდებარება) შეტყობინებიდან გონივრულ ვადაში (სირთულის შესაბამისად) არაუმეტეს 5 (ხუთი) სამუშაო დღის განმავლობაში.
- 9.3. 9.2 პუნქტში მითითებული ვადის დარღვევის შემთხვევაში მიმწოდებელს დაეკისრება პირგასამტეხლოს გადახდა წინამდებარე ხელშეკრულების მე-8 მუხლის 8.1 პუნქტის შესაბამისად.

10. ხელშეკრულებაში ცვლილებების შეტანა

- 10.1. არავითარი გადახრა ან ცვლილება ხელშეკრულების პირობებში არ დაიშვება, ორივე მხარის მიერ ხელმოწერილი წერილობითი შესწორებების გარდა.
- 10.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.
- 10.3. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით დადგენილი შემთხვევებისა "სახელმწიფო შესყიდვების შესახებ" საქართველოს კანონის და ამ დებულების მოთხოვნათა გათვალისწინებით. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

11. ფორს-მაჟორი

- 11.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ანმისი ვალდებულებების შეუსრულებლობა არის ფორს-მაჟორული გარემოების შედეგი.
- 11.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაუალახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.
- 11.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

12. სადაო საკითხების გადაწყვეტა

- 12.1. შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და

დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

12.2. თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს, თუ ხელშეკრულების სპეციფიკურ პირობებში სხვა რამ არ არის გათვალისწინებული.

13. ხელშეკრულების შეწყვეტა

13.1 მიმწოდებლის მიერ ხელშეკრულების პირობების შეუსრულებლობის ან არაჯეროვნად შესრულების შემთხვევაში შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ, გადაწყვეტილების მიღების შესახებ უნდა ეცნობოს მეორე მხარეს.

14. ხელშეკრულების ენა

14.1. ხელშეკრულება შედგენილია ქართულ ენაზე ორ ეგზემპლიარად, რომელთაგან თითოეულს აქვს თანაბარი იურიდიული ძალა. ერთი ეგზემპლიარი გადაეცემა შემსყიდველს, ხოლო ერთი ეგზემპლიარი ინახება მიმწოდებელთან.

15. ხელშეკრულების მოქმედების ვადა

15.1. ხელშეკრულება ძალაში შედის ხელმოწერის მომენტიდან და მოქმედებს 2018 წლის 31 დეკემბრის ჩათვლით - გარდა წინამდებარე ხელშეკრულების მე- 8 და მე-9 პუნქტებისა (საგარანტიო პერიოდში).

16. მხარეთა რეკვიზიტები

შემსყიდველი

„მიმწოდებელი“

ა(ა)იპ „ქ. ბათუმის სოციალური სერვისების

შპს „ლაშვარდი“

სააგენტო“

საიდენტიფიკაციო კოდი: 445437705

საიდენტიფიკაციო კოდი: 245619763

სახაზინო კოდი: N740807519

მიმღები ბანკი: ს.ს. „საქართველოს ბანკი“

ბანკის კოდი: TRESGE22

ბანკის კოდი: BAGAGE22

ფაქტიური მისამართი: ქ. ბათუმი,

ანგარიშის № GE37BG0000000131808400

ლერმონტოვის ქ. N90ა

ტელ. 599 195541

იურიდ. მისამართი: ქ. ბათუმი, ლუკა

მის.: ქ. ბათუმი, ვაჟა ფშაველას ქ. N68

ასათიანის ქ. N25

დირექტორი

ასლან გელაძე

დირექტორი

ფრიდონ მგელაძე

ხარჯთაღრიცხვა

N	კლასიფიკატორის კოდი	საქონლის დასახელება	ზომის ერთეული	რაოდენობა	ერთეულის ფასი (ლარი)	სულ თანხა (ლარი)
1	CPV 35100000, 35110000 - სახანძრო სამაშველო მოწყობილობები და უსაფრთხოების	ცეცხლმაქრი ფხვნილოვანი 5 კგ-იანი (მონტაჟით)	ცალი	4	80,00	320,00
2		ევაკუაციის გეგმა A-2 ფორმატში (მონტაჟით)	ცალი	3	100,00	300,00
3	CPV 38400000, 38430000 - დეტექტორები და ანალიზატორები.	ავტონომიური ბოლის დეტექტორი (მონტაჟით)	ცალი	26	70,00	1820,00
			საერთო ჯამი			2440,00

ა(ა)იპ „ქ.ბათუმის სოციალური სერვისების სააგენტო“

საიდენტიფიკაციო კოდი: 445437705


 დირექტორი
 ასლან გელაძე

შპს „ლაშვარდი“

საიდენტიფიკაციო კოდი: 245619763


 დირექტორი
 ფრიდონ მგელაძე



ხელწერილი

ინტერესთა კონფლიქტის არარსებობის შესახებ

ქ. ბათუმი

22 აგვისტო 2018 წელი

ა(ა)იპ „ქ. ბათუმის სოციალური სერვისების სააგენტო“-ს დირექტორი ასლან გელაძე და ტექნიკური გიგა ბეჟანიძე ვადასტურებთ, რომ ა(ა)იპ „ქ. ბათუმის სოციალური სერვისების სააგენტო“-ს მიერ 2018 წლის 22 აგვისტოს შპს „ლაშვარდი“ -სთან დადებულ სახელმწიფო შესყიდვის შესახებ N66 ხელშეკრულების (გამარტივებული შესყიდვა) საშუალებით სახანძრო სამაშველო მოწყობილობებისა და უსაფრთხოების საშუალებების, დეტექტორებისა და ანალიზატორების შესყიდვის განხორციელებაში ჩვენი მონაწილეობა არ ეწინააღმდეგება „სახელმწიფო შესყიდვების შესახებ“ საქართველოს კანონის მე-8 მუხლის მოთხოვნას და ინტერესთა კონფლიქტში არ ვიმყოფებით.

დირექტორი:



ასლან გელაძე

ტექნიკური მენეჯერი :

გიგა ბეჟანიძე